



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

LXXVII. Das Domcapitel zu Lebus verschreibt seinem Cantor Nicolaus Seckel einen bestimmten Zins und das Begängniß seines Gedächtnistages, am 24. April 1384.

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

tum ecclesiam luteam in monte predicto situatam absque periculo corporum et rerum commode et secure residere ac commorari nequeunt, quoniam edificii carent, et lapides pro edificiis intra districtum Lubucensem non reperiuntur, neque cementum et ligna non sunt ad edificandum, neque ad comparandum cibaria, et quod deterius est, nec aquam pro suis necessitatibus habere valeant absque sumptibus et laboribus grauib et expensis. Hiis itaque ac aliis coram nobis propositis, auditis et intellectis diligenter pensatis, volentes vestro et successorum vestrorum incommodo paterna sollicitudine, quantum nobis est possibile subvenire, vobisque et ipsis de remedio providere oportuno, predictam ecclesiam Lubucensem cathedralem una cum personis ipsius ecclesiasticis de monte predicto in opidum nostrum Fürstenwalde dicte nostre dioecesis sollempne et populosum, muris, turribus, propugnaculis et fossatis fortiter et bene munitum, in quo auxiliante Domino tam res quam persone ejusdem ecclesie valeant conservari per sedem apostolicam transferendam ac sedem ipsam commutandam, nostrum spontaneum ac plenum adhibemus consensum et tenore presencium expresse consentimus et ad instantiam et frequentem petitionem vestram ipsam ecclesiam Lubucensem una cum personis ipsius ad opidum nostrum predictum, quantum in nobis est, transferimus et collocamus —. Precipientes omnibus vobis et singulis prelati, canonicis et vicariis supradictis et cuilibet vestrum in virtute sancte obediencie, quatenus residenciam, quam in dicto opido Fürstenwalde tempore guerrarum, de quibus supra dictum est, incepistis, et ad quod dicto tempore pro saluatione corporis et rerum confugistis, perficiatis ipsamque residenciam, sic ut presertur, dudum per vos inceptam de cetero et inantea perpetuis temporibus continuare studeatis, Decantantes ibidem in ecclesia beate Marie virginis gloriose matutinas, missas et alias horas canonicas —. Auctoritate tamen Domini nostri Pape ac ordinatione et beneplacito ipsius in hujusmodi translationem ac sedis mutationem ac aliis premisis semper salva. — Datum et actum in Capitulo generali, anno Domini M^o. CCC^o. LXX tercio, IX. die mensis Septembris, in Frankenuorde dicte Lubucensis dioecesis, ubi pro tunc propter expugnationem castri desolationem ecclesie Lubucensis de quibus supra, per nos, prelatos et canonicos ecclesie nostre, capitulum generale exstitit celebratum.

Wohlfürst I, 506.

LXXVII. Das Domcapitel zu Lebus verschreibt seinem Cantor Nicolaus Seckel einen bestimmten Zins und das Begängniß seines Gedächtnistages, am 24. April 1384.

Nouerint vniuersi, quorum interest vel interesse poterit quomodolibet in futurum, Quod nos Bernardus Archidiaconus, Johannes Custos totumque Capitulum Ecclesie Lubucensis, pensata communi vtilitate Capituli nostri ac deliberatione desuper prehabita diligenti, iusto vendicionis titulo vendidimus honorabilibus viris dominis Nycolao Seckel, Cantori, et Johanni, fratri suo, concanonicis nostris ac fratribus nobis in cristo dilectis, quinque sexagenas grossorum pragensium annui et perpetui census, pro quinquaginta sexagenis nobis in parato traditis ac integraliter persolutis, singulis annis ad tempora vite sue in terminis infra scriptis, videlicet in festo sancti Martini III sexag. et in festo sancti Georgii III sexag., dilacionibus, contradictionibus atque

exceptionibus quibuscumque postergatis, de bursa seu erario dicti Capituli nostri in omnem euentum predictis dominis Nycolao Cantori et Johanni, fratri suo, tradendos et perfoluendos. Et cum alter ipsorum, sicut altissimo placuerit, diem suum clauerit extremum, tunc vna sexagena pro ipsius defuncti perpetua memoria Capitulo remanebit, Reliquas vero quatuor sexagenas ille, qui superstes remansit, similiter subleuet atque tollat, quo defuncto due sexagene vna pro ipsius tunc defuncti, reliqua vero pro ipsorum dominorum parentum anniuersariis apud Capitolum permanebunt. Residuas siquidem duas sexagenas honesta matrona katherina, dictorum dominorum soror carnalis, debet recipere et in usum suum conuertere temporibus vite sue Ipsaque sublata de medio, eedem due sexagene cedere debeant ad missam Rorate per annum semel in septimana decantandam. Et nos Capitulum memoratum pro nobis ac nostris successoribus data fide promittimus per presentes, censum quinque sexagenarum predictum prefatis dominis, ut premititur, ad tempora vite sue absque dilacione perfoluere Iplisque defunctis de dicto censu tres sexagenas in ipsorum parentumque suorum anniuersariis, Sorore quoque defuncta residuas duas sexagenas pro missa Rorate perpetuis temporibus inter prelatos, canonicos et vicarios iuxta morem ipsius Ecclesie velle distribuere, impedimento quolibet proculmoto. In quorum testimonium et euidenciam pleniorum Sigillum Capituli nostri presentibus est appensum. Datum furstenwalde, in crastino sancti Adalberti martyris et pontificis, in Capitulo nostro generali, Anno domini millesimo Trecentesimo octuagesimo quarto.

Nach dem Originale des Breslauer Universitäts-Archives.

LXXVIII. Bischof Johann von Lebus bestätigt die von dem Bischöfe Peter im Jahre 1373 angeordnete Verlegung seiner Kathedraalkirche von Lebus nach Fürstenwalde, am 22. Mai 1385.

In nomine Domini Amen. Johannes, dei et apostolice sedis gratia Episcopus Lubucensis, ad uniuersorum noticiam utile nostrum propositum et infra scriptum negotium cupimus peruenire. Quoniam ecclesia Lubucensis nobis diuinitus commissa, que olim in Rusia sedem habebat cathedralem, et ab inde per paganos et infideles expulsa et crudeliter profugata ab antiquis temporibus, quasi nauis in maris, fluctibus seu procellis nimis diu usque in presenciarum de loco ad locum vagabunda, quod dolenter referimus, fluctuauit, Nos enim, qui inter sollicitudines nostro pastoralis officio incumbentes desiderantes in votis gerimus, ut dicta ecclesia nostris stabilietur temporibus et in locum, quo fixa permanere valeat, collocetur et per sedem apostolicam illic transferatur. Hoc sane felicitis recordacionis Dominus Petrus, olim Episcopus Lubucensis, predecessor noster, prouidenter attendens et prouidere cupiens, eandem ecclesiam ad locum optatum transferre et collocare, unde super huiusmodi translacione et collocacione literas suas ejusdem ecclesie capitulo contulit et donauit, quarum tenor dinoscitur esse talis: (Hier folgt die Urkunde vom J. 1373 No. LXXVI.) Nos igitur Johannes Episcopus supradictus predicti Domini Petri, Episcopi Lubucensis, predecessoris nostri, vestigiis inherentes, consideratis causis supradictis, quibus heu veritas innititur, quod ipsa cathedralis ecclesia in monte predicto incircumsepta nec murata, omni prorsus carens firmitate adeo est destructa et annihilata, quod nec Prelati, nec Canonici neque